

Nampa Tri Jon

Nægkiariien sə rani mə nəfe i nəkukuə

Jon rirai nəkukuə i kani mə Nampa Tri Jon revən ti in riti nəghin nə Kaius. Kaius in iəmə asori riti səvəi nakalasia me. Ia nousəsimwinien səvəi nakalasia me fwe imwei Kaius iərman riti nəghin nə Tiotrefes. In rəpwəh nokeikeiien mə nakalasia me tuhəsevər ia rukwənu səvənraha ti nərmama səməmə haməvisau nəgkiariien səvəi Kumwesən ia kwopun me. Jon rirai nəkukuə i mə trəgnəgini Kaius mini tanak tukwe ti nasituien səvənhi. In rirai mwi nəkukuə i mə trəgkiari skai m Tiotrefes mə in rīpkasitu mhə. Jon rini mə traməkeikei mevən akwauakw fwe ikin masitu ia nirəha.

Nægkiariien sə rakupwən

¹ Iou elta səvəi nəfwakiien. Iakamrai nəkukuə i rauvehe tukw ik Kaius keikei. Iakokeikei pərhien ik. ² Piak keikei. Iakəfwaki maməres mə tikamarə amasan ia narimnari me pam. Iakaməres mwi mə tikəsanin a nemhəien riti trīpkuvehi mhə ik rəmwhen ikamarə amasan ia nīmīruien səim.

Jon rerin ragien ti noien amasan səvəi Kaius

³ Rerik ragien nəpīn iakregi piəvtaha me nəpwīn həuvehe mhəni irapw nīpərhiienien səim. Irəha həni mə ia nəpīn me ikamesi pen nəgkiariien sə ro nīpərhiienien. ⁴ Nəpīn iakregi mə nīpwnətik me kamhesi pen nəgkiariien sə ro nīpərhiienien rerik

ragien pik mæpi raka næþin rerik ragien ti narimnari me nepwîn. ⁵ Piak keikei. Ia næþin me pam ikamo noien amasan, mamasitu ia piævtaha me sëmæme hæuvehe tukw ik næri auær a mæ ikreirei iræha. ⁶ Iræha hæuvæni irapw raka nokeikeiien sëm ia næmri nakalasia me ia kwopun i. Trini minuæ nepwîn mwi hæuvehi suatuk sævænraha mhæuvehe tukw ik, ramasan mæ tikamasitu mwi ia niræha ia noien sæ Kumwesæn rokeikei. ⁷ Tiko iamînhi iræ ti næri næ mæ iræha hæuvæier imwænraha mæ tuhæuvæn mhævisau irapw næghi Iesu Kristo. Nænæ ia suatuk sævænraha iræha hæpkuvehi mhæ nasituien riti ruku pen ti nærmama sëmæme hæreirei Kumwesæn. ⁸ Kitaha tsamækeikei mhasitu ia nærmama me ho iamînhi mæ kitaha tsæuvehi rægitaha me mho kua-tia ti nini irapwien nægkiariien sæ ro nîpærhienien.

Tiotrefes mine Temetrius

⁹ Iakuværai raka nækukuæ riti ruvehe ti nakalasia me næ imwam. Mætæ Tiotrefes, iamæ sæ rokeikei mæ trakupwæn ia niræha, ripkætærig mhæ nægkiariien sæiou. In ripkætærig mhæ iræ ti næri næ mæ in ramo næri auær a ia nasoriien sækimaha. ¹⁰ Trini minuæ iakuvehe, takini irapw narimnari me sæ in ramo. Takini irapw nægkiariien æræha me sæ in ramini mauæsi kîmaha iræ. Ripko mhæ in a næ in ramo. Mætæ næþin piævtaha me hæuvehe, in ripkæsevær mhæ ia nimwæ sævænhi ti niræha, nænæ mamînise mwi nærmama sëmæme hokeikei mæ tuho, mamærhi irapw iræha ia næmri nakalasia me. ¹¹ Piak keikei. Tikæpwæh nesi penien noien æræha, mætæ tikesi pen noien amasan. Iærmama sæ ramo noien amasan in sævæi Kumwesæn. Iærmama

sə ramo noien ərəha in r̄ireirei Kumwesən. ¹² Mətə nərmama pam kāmhəni amasan Temetrius. Noien səvənhi ramahatən pen mə in ramesi pen nəgkiariien sə ro n̄ipərhiēnien. Kimaha mwi iahaməni mə in iəmə amasan riti. Nənə kimiaha hiəkukurən mə nəfe kimaha iahaməni ro n̄ipərhiēnien.

Nəgkiariien sampam

¹³ Nəgkiariien me i r̄ipik iakuə takrai m̄ini pehe tukw ik, mətə iakəpwəh nokeikeiien mə takrai pen ia n̄imwai nəkukuə. ¹⁴ Rerik ramrhi mə tr̄ipko mhə tui iakuvehe tukw ik, nənə krau krouətə nəm̄r̄irau me rouəgkiari. ¹⁵ Iakəfwaki mə nəm̄erinuien tramarə tukw ik. Nənə ik me nepw̄in ia kwopun i h̄əni pehe ramasan tukw ik. Tikini tukwini ramasan səkimaha revən ti piəvtaha me nepw̄in nə kimiaha m̄inraha.

Nəkukuə Ikinan
The New Testament in the Nafe (Kwamera) language
of Southeast Tanna, TAFEA Province, Vanuatu
Niutestamen long lanwis Nafe blong Vanuatu.
Le Nouveau Testament dans la langue Nafe de
Vanuatu.

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

PDF generated using Haiola and XeLaTeX on 22 Feb 2024 from source files dated 31 Aug 2023

26b0f540-c192-5878-be67-18ede9ab1416